

**Statüts
da la società da
musica Zernez**

Revisiun

5avla ediziun

november 2019

Statüts da la società da musica Zernez

I. Disposiziuns generalas

Art. 1	Quists statüts as basan al CCS (Cudesch Civil Svizzer) art. 60 e stuottastan als statüts chantunals.	
Art. 2	Tenor veglia documentaziun exista la società da musica Zernez daspö l'on 1866. Quella aintra l'on 1925 in l'unioni Chantunala.	fundaziun
Art. 3	La società da musica Zernez ha per mira da cultivar e promover la musica instrumentala, da promover l'interess da la giuventüna invers la musica, da cultivar l'amizcha tanter ils commembers, d'imbellar las festas popularas, ma mantgnair ed inrichir la cultura da nos cumün.	mira
Art. 4	La società realisescha sia mira cun: <ul style="list-style-type: none"> - Prouvas da musica - Produenziuns sco: concerts, sairadas, partecipaziuns a festas localas, districtualas, chantunalas e federalas. 	attività
Art. 5	La società es neutrala in regard lingua, politica e religiun.	neutralità
Art. 6	Pels impegn da la società ha da servir unicamaing sia facultà. Responsabilità persunala dals commembers es esclusa.	responsabilità commembers
Art. 7	La società as cumpuona our da: <ul style="list-style-type: none"> - commembers activs - commembers onuraris - commembers veterans - commembers passivs 	cumposiziun
Art. 7a	Commember activ po d'vantar mincha persuna chi ha sufficiainta cugnuschentscha musicala e chi s'interessa seriusamaing per la musica instrumentala, chi vuol cultivar la cumünanza tanter ils commembers, sco eir sustgnair e promover la cultura in cumün. Mincha commember activ es in dovair (oblià) da frequentar diligiaintamaing, punctualmaing e cun disciplina las prouvas e produenziun. Es ün commember impedi da frequentar ün exercizi o üna produenziun, as sto el s-chüsar ouravant. Commembers chi nu stan als uordens da la società vegnan la prüma vouta admonits tras la suprastanza. As repeta quist cas, vain miss avant a la società scha'l commember vain exclus da tala. El vain avisà in scrit.	commembers activs dovair s-chüsa exclusiun
Art. 7b	Sün proposta da la suprastanza o da la radunanza generala pon gnir nomnats commembers onuraris persunas chi s'han acquistadas merits specials per nossa società o per la musica in general. Els giodan entrada libra pro mincha produenziun da nossa società.	commembers onuraris
Art. 7c	Commember veteran as dvainta tenor ledscha chantunala e federala.	commember veteran
Art. 7d	Commember passiv da la musica da Zernez po d'vantar minchün chi paja la cuntribuziun annuala, fixada da la radunanza generala.	commember passiv

Art. 8	Sur da l'entrada da commembers nouvs decida la radunanza generala.	entrada dals commembers activs
Art. 8a	Mincha commember es oblià da pajar üna taxa annuala chi vain revissa a mincha radunanza generala. Scolars fin 9avla classa sun deliberats da la taxa annuala.	taxa dals commembers activs
Art. 9	Sortidas da commembers activs ston gnir inoltradas in scrit al president il plü tard al di da la radunanza generala. Quel chi sorta da la società es in dovair da remetter infra 1 mais seis inventar in fich bun uorden e net a l'administradur dal material.	sortidas
Art. 10	Sur da congedi decida la suprastanza da cas a cas.	congedi
Art. 11	L'on da musica cumainza cun la radunanza generala.	on da gestiun
Art. 12	Prouvas s-chüsadas causa militar, defaisa civila e pumpiers (excoul recruta) valan sco prouvas frequentadas.	prouvas valablas
Art. 13	Commembers chi frequaintan diligiainstamaing las prouvas e las producziuns vegnan onurats tras la suprastanza a la radunanza generala; prüms trais rangs.	onurificaziuns
Art. 14	Mincha musicant survain ün exemplar dals statüts, ün pass da musica, ün'uniforma, ün instrumaint cumplet ad impraist da la società. Ingün nu das-cha dovrrar quella roba per oters scopos sainza permiss da la suprastanza. Minchün es sves respunsabel per dons causats vi da seis inventari. Annualmaing vain fatta üna controlla tras l'administradur dal material.	inventari personal
Art. 15	Reparaturas das-chan be nir ordinadas da la suprastanza.	reparaturas



II. Organs da la società

Art. 16	Ils organs da la società da musica da Zernez sun: a) la radunanza generala b) la radunanza extraordinaria c) la suprastanza d) la cumischiun da musica e) la cumischiun sindicatoria f) las prouvas cun radunanza	organs
	A. La radunanza generala	
Art. 17	La radunanza generala dess avoir lö per regla d'urant l'utuon. Ella va per temp in bannida sco radunanza generala e suottastà a la controlla da preschentscha.	radunanza generala
Art. 18	A la radunanza generala suottastan ils seguaints affars chi ston eir figürrar sülla bannida: - avertüra - prelecziun ed approvaziun dals protocols - rapport annual dal president - rapport dal dirigent - approvaziun dal quint da gestiun e rapport da la cumischiun sindicatoria	tractandas

	<ul style="list-style-type: none"> - program da l'on - orientaziun regard l'inventar - commembers nouvs, desdittas ed onurificaziuns - elecziuns o reelecziuns da la suprastanza, da la cumischiun da musica, dal dirigent, dal vicedirigent, da duos revisuors da quint e dal binderal - contribuziun annuala - fixar contribuziuns e bunificaziuns - affars actuals (festas da musica, occurenzas specialas, revisiun dals statüts) - Varia 	
Art. 19	La radunanza generala po be decider sur dad affars chi sun stats preponderats da la suprastanza o d'üna cumischiun e chi figüran sün la glista da tractandas.	dret da decider
Art. 20	Elecziuns e votaziuns vegnan fattas aviertas, scha la radunanza nu decida oter.	elecziuns e votaziuns
Art. 21	Mincha commember activ ha il dret da vuschar.	dret da vuschar
	B. La suprastanza	
Art. 22a	La suprastanza es l'organ executiv ed administrativ da la società. A la suprastanza fan part: <ul style="list-style-type: none"> - il president - l'actuar, eir sco vicepresidente - il chaschier - il schef da material - ün assessur - il dirigent (cun vusch consultativa) 	suprastanza
Art. 22b	La suprastanza vain eletta per üna dürada da 2 ons ed es adüna reelegibla.	
Art. 22c	La suprastanza po disponer sur d'ün import da 1'000.- CHF per vouta.	
Art. 23	Il president survaglia tuot ils affars da la suprastanza e l'execuziun da las incumbenzas ad ella surdattas. El es responsabel per la correspundenza. El bannischa e presidescha las sedutas e radunanzas.	il president
Art. 24	L'actuar maina ils protocols da las radunanzas sco eir da decisiuns trattas d'ürant las prouvas e funcziuna eir sco vicepresidente. L'actuar es eir responsabel per la controlla dals commembers (cudesch) e maina eir la controlla da preschentscha a prouvas e producziuns.	l'actuar
Art. 25	Il chaschier admistrescha la chascha e fa ün rendaquint annualmaing o sün giavüsch da la società. El maina la controlla dals commembers passivs ed inchascha la contribuziun annuala.	il chaschier
Art. 26	L'administradur dal material maina register da tuot l'inventar e pissera cha quel resta in bun uorden. El orientescha a la radunanza generala dal stadi da l'inventar.	l'administradur dal material
Art. 27	L'assessur sustegna als oters suprastants in lur funcziuns seguond ils uordens dal president.	l'assessur
Art. 28	Il binderal vain elet per üna dürada da 2 ons ed es adüna reelegibel. Pro producziuns es el in dovair d'accumpagnar la musica cun la bindera.	il binderal

	C. La cumischiun sindicatoria	
Art. 29	La cumischiun sindicatoria examinescha ils quints da gestiun e l'inventar da la società. Sur da quists dà ella giò rapport a la radunanza generala. Ils revisurs da quint vegnan elets per 2 ons e sun adüna darcheu reelegibels.	la cumischiun sindicatoria
	D. Il dirigent	
Art. 30	Il dirigent ha l'incumbenza d'exercitar e diriger la musica pro prouvas e producziuns. El es eir cumpetent da müdar vuschs tenor bsögn. Il dirigent dà giò rapport a la radunanza generala. Per sia prestaziun vain el remunerà cun ün import fixà da la radunanza generala. Il vicedirigent til sustegna e'l rimplazza tenor cunvegna. Dirigent e vicedirigent vegnan elets per 2 ons e sun adüna reelegibels.	il dirigent, il vicedirigent
	E. La cumischiun da musica	
Art. 31	La cumischiun da musica as cumpuona da 5 commembers: a) il president b) il dirigent c) il vicedirigent d) duos commembers activs chi nu sun amo occupats in posts surnomnats Quists vegnan elets per 2 ons e sun adüna reelegibels.	cumischiun da musica
Art. 32	La cumischiun da musica vain presidiada dal president da la società. Ad ella suottastà la tscherna e l'archiv da las notas. Implü preschainta la cumischiun propostas a la suprastanza, chi han influenza sül misical. Intern dess gnir tschernü ün chi maina il protocol sur da las sedutas ed ün archivist da las notas. La cumischiun da musica es in dovair da dar giò rapport annual a la SUISA.	incumbenzas

III. Disposiziuns finalas

Art. 33	Affars urgjaints ed actuals da società pon gnir decis sainza bannida in mincha prouva ordinaria da musica.	affars urgjaints
Art. 34	<p>La società da musica Zernez s'ha missa per lezcha da sunar:</p> <ul style="list-style-type: none"> - pro nozzas d'ün commember activ - pro funerals da commembers activs - onuraris e veterans vain sport ün cranz, portada la bindera e sunà cul acconsentimaint dals relaschats - nossa società suna sün giavüsch per minchün in cumün chi accumulaischa 80 ons e davo mincha 5 ons - pro mortoris in cumün vain fat normalmaing musica scha la suprastanza nu decida otramaing 	<p>dovair da sunar</p> <p>mortoris</p>
Art. 35	La società po gnir scholta sch'almain 2/3 dals commembers activs dumondan quai. Pro ün schogliamaing da la società va la facultà in deposit pro l'adminstraziun cumünala e resta a disposiziun per üna eventuala fundaziun d'üna nouva società da musica cun listessas miras.	schogliamaint
Art. 36	Quists statüts pon gnir revis total- o parzialmaing scha la pluralità dals musicants preschaints pretendan quai. Üna revisiun sto gnir bannida per temp e sto avair l'approvaziun da 2/3 dals commembers preschaints.	revisiun da statüts
Art. 37	La documentaziun da la società da musica Zernez vain deponada aint l'archiv cumünal.	
Art. 38	<p>Quists statüts rimplazzan quels da l'on 1997 ed aintran in vigor cun l'approvaziun da la radunanza generala dals:</p> <p>2 november 2019</p> <p>Il president, Reto Lehner: </p> <p>L'actuara, Carmen Gottschalk: </p> <p>Zernez, ils 2 november 2019</p>	